

U skladu sa članom 5. Zakona o plaćama i naknadama u organima vlasti Federacije Bosne i Hercegovine (Sl. novine FBiH, br. 45/10 i 111/12) i članom 54. Zakona o Budžetu Federacije Bosne i Hercegovine, na sastanku održanom dana 19.10.2016.godine između Pregovaračkog tima Vlade Federacije Bosne i Hercegovine i Pregovaračkog tima Samostalnog sindikata državnih službenika i namještenika u organima državne službe, sudskoj vlasti, javnim ustanovama u Federaciji Bosne i Hercegovine (Sindikat), a uvažavajući trenutno finansijsko stanje u budžetu postignut je slijedeći

## SPORAZUM

1. Potpisnice ovog Sporazuma dogovorile su da je osnovica za obračun plaće za period od 31.07.2016. godine do 31.12.2016. godine u visini od 315,00 KM. Potpisom na ovaj Sporazum strane potpisnice dogovorile su da se osnovica od 315,00 KM, primjenjuje i za period 01.01.2016. godine do 31.07.2016. godine.
2. Potpisnice su dogovorile da će osnovica za obračun plaće u visini od 315,00 KM, važiti i za budžetsku godinu koja počinje od 01.01.2017. godine.
3. Potpisom na ovaj Sporazum strane potpisnice izjavljuju da je osnovica za obračun plaće koja je predmet ovog Sporazuma utvrđena u skladu sa članom 5. Zakona o plaćama i naknadama u organima vlasti Federacije Bosne i Hercegovine.
4. Predstavnici Sindikata potpisom na ovaj Sporazum potvrđuju da visina osnovice za obračun plaće usaglašena da ovim Sporazumom ne narušava prava uposlenika radnika u okviru organa vlasti Federacije (Vlade FBiH) ni u jednom dijelu, pa tako ni u pogledu visine najniže satnice, obzirom na činjenicu da se na osnovicu za obračun plaće primjenjuju odgovarajući koeficijenti složenosti poslova, te da visina plaće za sve zaposlene prelazi iznos najniže plaće za područje FBiH.
5. Potpisom na ovaj sporazum predstavnici Samostalnog sindikata državnih službenika i namještenika u organima državne službe, sudskoj vlasti, javnim ustanovama u Federaciji Bosne i Hercegovine (Sindikat), kao reprezentativnog sindikata potvrđuju, a u skladu sa tačkom 4. ovog Sporazuma da ne postoji osnov za podizanje tužbi od strane zaposlenih u organima vlasti Federacije (Vlada FBiH).
6. Strane potpisnice su saglasne da će Vlada Federacije BiH nastaviti sa restriktivnom budžetskom politikom s ciljem ušteda po svim stavkama rashoda Budžeta Federacije BiH.

U ime Vlade Federacije Bosne i Hercegovine

Salih Kruščica  
Predsjednik Samostalnog  
sindikata državnih službenika i namještenika  
u organima državne službe, sudskoj vlasti i  
javnim ustanovama u FBiH

